

» Additum fuit huic capitulo de voluntate et consensu dicti magistri
 » Francisci procuratoris dicti domini Mastini et prenominati dicti
 » Nicolai sindici et procuratoris domini ducis et comunis Venetia-
 » rum, quod Cagnonus de Mantua pro libris octuaginta grossorum
 » extortis ab eo apud Hostiliam de certis mercationibus per do-
 » minos de la Scala seu per officiales ipsorum concurrere debeat
 » ad ratam cum civibus et fidelibus domini ducis et comunis Vene-
 » tiarum in dicta quantitate decem milium ducatorum auri. Sed si
 » pro hac additione et quantitate Cagnoni predicti aliquid deficeret
 » ad summam dictorum X. m. ducatorum in satisfactionibus predi-
 » ctorum venetorum exigatur tantum plus per modum predictum,
 » quantum fuerit ille defectus ultra ipsam summam occasione dicte
 » quantitatis libr. LXXX grossorum Cagnoni predicti. Concurrente
 » ipso Cagnono ad ratam pro ipsa sua quantitate in exactionibus
 » supradictis cum dictis civibus et fidelibus venetis, ut dictum est.
 » Item quod magnificus miles dominus Ubertinus de Carraria
 » capitaneus et dominus generalis civitatis Padue, ac comune et ho-
 » mines civitatis ipsius, ejus locis et castris Baxani et Castribaldi
 » nuper concessis et traditis per comune Venetiarum eisdem domino
 » Ubertino et comuni, cum omnibus aliis castris, terris et locis ac
 » hominibus suis et sui comitatus et districtus, includantur et sint
 » in pace presenti et pro inclusis et insitis in ipsa pace ex nunc et
 » penitus habeantur et quod securitate et beneficio ipsius pacis
 » gaudeant et gaudere debeant quemadmodum comunia Venetia-
 » rum et Florentie et unumquodque ipsorum comunium et quod
 » contra eos vel contra statum eorum seu terrarum vel locorum
 » suorum dicti domini Albertus et Mastinus per se vel alios non
 » inferant nec attentent novitatem, guerram, detrimentum vel sini-
 » strum aut aliquid contrarium, nec inferentibus vel attentantibus
 » seu inferre vel attentare volentibus consentiant, nec favorem,
 » transitum vel consilium exhibeant, ullo modo vel ingenio. Sub
 » pena et sacramenti et pecunie adiecta in contractu presenti.
 » Promittere volentibus et promittentibus e contrario dictis domino